

唐書合鈔補正

唐書合鈔補正卷一

懽餘比部刻唐書將竣商於

子復

曰沈氏標舉闕譌

鮮有折衷所舉之外猶多疑義不加考證疎畧奈何  
子盍從而訂正之乃討論羣籍逐字揆剔義不鑿空  
文必核實參以葉君石君所錄錢遵王影宋鈔本質  
諸比部以定去取比部熟精史學明於體要其文字  
異同義可兩存槩削不錄吳氏糾繆錢氏考異及各  
家條辨非有發明悉不采入厯志經吳門李君銳校  
閱亦不復置論脫漏不少尙俟續考所補新書詳畧  
皆仍其舊無所增損構李丁孖復識

高祖紀

武德二年 乙卯秦王世民討劉武周軍於蒲州 聞人本乙卯討劉武周軍於蒲州討上有闕文此作秦王世民討劉武周據別本補也影宋本作乙卯以討劉武周幸蒲州案通鑑高祖紀上於是悉發關中兵以益世民所統使擊武周乙卯幸華陰至長壽宮以送之無幸蒲州事未知孰是

八年 八月并州道總管張公謹與突厥戰於太谷王師敗績 李靖突厥兩傳及通鑑皆作張瑾案武德八年突厥寇太原與李靖統軍屯太谷敗績者張瑾

也貞觀二年太宗遣李靖經畧突厥以爲副者張公謹也此以瑾爲公謹是混二人爲一人矣

九年 並令大寺觀居住 影宋本令下有就字

太宗紀

兵士飢倦皆坐列又爭飲水逡巡斂退 斂影宋本作欲

高宗紀

以貞觀時不諱先帝二字詔 冊府元龜作帝以貞觀時不諱先帝二字不許

永徽三年 虜渠帥六千 六千冊府元龜作六十餘

人

四年 陳逆人房遺愛等口馬資財爲五塼 口影宋  
本作車

五年 吐蕃使人獻馬百匹及大驢可高五丈廣袤各  
二十七步 沈氏案驢卽高大當不至此疑是穹廬

案冊府元龜吐蕃獻馬百匹及大佛廬高五尺廣袤  
各三十七步

案五尺又太  
卑疑亦有譌

倭國獻琥珀碼碯琥珀大如斗碼碯大如五斗器 冊  
府元龜五斗作五升

顯慶二年 庚申改昏葉宮丁卯手詔改洛陽宮爲東

都洛州官員階品並準雍州 沈氏改下注此下闕  
文案冊府元龜以雒陽宮爲東都雒州官員階品如  
雍州廢雒陽宮總監改青城宮爲東都苑北面監明  
德爲南面監雒陽宮農圃監爲東面監食貨監爲西  
面監雒州北市置官員準東西市隸太府據此闕文  
在並準雍州下庚申改昏葉五字錯文譌字

### 高宗紀下

上元元年 太祖武皇帝爲高祖神堯皇帝 沈氏案  
高祖初謚大武無太祖廟號此疑譌大爲太而闕高  
氏案當云譌高爲太而闕大字

調露元年 遣郎將來令文使吐蕃 影宋本作宋令  
文案文苑傳之問父也

永淳元年 上曰自我作古可乎亦可 會要作對曰  
可

宏道元年 命將軍程務挺爲單于道安撫大使以招  
討總管材山賊元珍骨篤祿賀魯等 沈氏材山賊  
下案材山賊當作突厥案突厥傳骨咄祿鳩集亡散  
入總材山聚爲羣盜有衆五千據此材山賊卽突厥  
也又案當作以招討總材山賊管字衍新書擊賊總  
材山

武后紀

嗣聖元年 廢皇帝爲廬陵王幽於別所仍改賜名哲

影宋本無賜字

中宗紀

神龍元年 鳳閣侍郎韋承慶正諫大夫房融司禮卿  
韋慶等下獄 韋慶影宋本作崔慶

二月韋承慶貶高要尉房融配流欽州 影宋本房融  
配流高州崔慶配流欽州案通鑑則天后紀大足四  
年許州人楊元嗣告昌宗召術士李宏泰占相宏泰  
言昌宗有天子相太后命韋承慶司刑卿崔神慶御



史中丞宋璟鞠之神慶神基之弟也承慶神慶奏言  
昌宗款稱宏泰之語尋已奏聞準法首原又中宗神  
神龍二年韋承慶貶高要尉房融除名流高州崔神  
慶流欽州據此韋慶當是崔神慶影宋本作崔慶亦  
譌又案韋房崔三人同黨昌宗同下獄則當同流貶  
且易之傳云令司禮卿崔神慶鞠之神慶希旨雪昌  
宗兄弟則神慶之罪尤爲彰著此脫無疑新書無流  
崔神慶文者繆神慶通鑑前作司刑卿後作司禮卿  
當有一譌

無胤嗣者聽取親爲後 影宋本親上有近字

神龍二年 特進郢州刺史袁恕已 案刺史下脫平

陽郡王四字

景龍元年 突厥默啜殺我行人臧思言 言影宋本作元

三年 日赤紫色 影宋本日色紫赤

曲賜新豐縣 賜影宋本作赦

四年 崩於神龍殿年五十 影宋本作五十五新書  
同案中宗生於顯慶元年崩於景龍四年正五十五  
年也

睿宗紀

殿中兼知內外閑廐檢校龍武右軍仍押左右廂萬騎  
平王隆基 影宋本殿中下有監字

將立太弟以爲副君 副影宋本作嗣

兵部尙書姚元之兼太子右庶子 右影宋本作左

先天元年 南郊 影宋本親祀南郊

二年 元貞大聖大興孝皇帝 貞影宋本作眞新書  
同

元宗紀上

權尚朝廷 大詔令擢在朝廷

七日之祥方永 大詔令七百之祚方永

開元二年 制求直諫言宏益政理者 影宋本言上  
有昌字冊府元龜同

光祿卿竇希城爲太子太傅 影宋本作少傅

以興慶宮 會要開元二年七月二十九日以興慶里  
舊邸爲興慶宮

且墓爲貞宅自便有房 冊府元龜作自有便房

三年 左散騎常侍褚无量 左影宋本作右

六年 春正月丙辰朔 影宋本作丙申

以備修祭服及俎豆 備影宋本作充

七年 置宏文崇文兩館讐校書郎官員 影宋本置

宏文崇文兩館讐校置校書郎

九年 十二月乙酉幸新豐之溫湯 影宋本下有至

自溫湯句

偽將軍石神奴康鐵頭得蒙貢縣攻陷六胡州 冊府  
元龜石神奴康鐵頭等據長泉縣攻陷六胡州又案  
張說傳胡賊康待賓率衆反據長泉縣此得蒙貢三  
字譌

十一年 王峻授蘄州刺史 影宋本授上有貶字

二十二年 秦州地震解字及居人廬舍崩壞殆盡壓  
死官吏已下四十餘人 沈氏案舊書五行志作百

餘人新書志四千餘人案會要壓死官吏及百姓四千餘人

立其酋長李過析爲契丹王 影宋本作季過折

二十四年 牛仙客爲兵部尙書 影宋本作工部仙

客傳同

韓休爲太子少保 影宋本作少師

元宗紀下

開元二十五年 崇德讓齒三代丕義 影宋本作三

代不易

任遊勝爲樂 遊影宋本作追

天寶元年 老幼版授 冊府元龜天寶元年正月改

元詔天下侍老八十以上者宜委縣官每加存問仍  
量賜粟帛侍丁者令養其母孝假者矜其在喪云云  
新書紀賜侍老粟帛亦在正月此在二月當是脫文  
錯譌

太守韋堅引漕水開廣運潭於望春亭之東 沈氏案  
亭疑當作樓案沈氏據韋堅傳架苑牆東南有望春  
樓樓下穿廣運潭故云爾案長安志禁苑內苑章云  
苑內有南望春亭北望春亭有廣運潭據此則潭本  
與亭近也又案高仙芝傳元宗御望春亭慰勞遣之

外戚王仁皎傳上發望春亭遙望之諸皆以亭言不必改作樓也又長安志萬年縣云望春宮在縣東十里臨漣水西岸在大明宮之東東有廣運潭新書李晟傳及葬御望春門臨送蓋亭也樓也門也皆以宮得名者也長安志祇載宮與亭爲不備矣

二年 上幸廣運樓以觀之 案當作望春樓

九載 國子監置廣文館徙生徒爲進士業者 徙影宋本作領

立周武王漢高祖廟於京城司置官吏 會要九載十一月十六日周武王漢高祖於京城內各置一廟并



置官吏司當作內

十五載 以前華州刺史魏犀爲梁州長史 案當作

魏仲犀

候克復兩京 候影宋本作俟

史臣曰 刑政壞於犬馬 影宋本作刑政於焉大壞  
案鈔胥以焉作馬以大作犬遂致此譌亥豕烏焉  
不是過矣

肅宗紀

景雲二年乙亥生 冊府元龜肅宗以景雲二年九月  
三日乙亥生於東宮之別殿祥光照室會要同

至德二載 旂幟燭天綵棚夾道 冊府元龜作連棚  
夾道案棚當作棚以形譌耳又案懿宗紀有綵棚夾  
道語

乾元元年 六月辛丑朔 影宋本作辛卯

二年 諸作坊造坊並停 影宋本諸坊造作並停

貶季廣琛宣州刺史崔光遠爲太子少保 影宋本貶  
季廣琛爲宣州刺史失律也以汴州刺史崔光遠爲  
太子少保

上元二年 去上元之號其以今 冊府元龜其以今  
年十月爲歲首便數建丑建寅每月以所建爲數此

脫

代宗紀

廣德二年 九月詔徵河東兵討吐蕃將發是夜軍衆  
喧噪劫節度使崔寓家財及民家財產殆盡 案是  
時河東節度使辛雲京也此當作河中通鑑代宗紀  
廣德二年八月河中尹兼節度副使崔寓發鎮兵西  
禦吐蕃爲法不一九月丙申鎮兵作亂掠官府及居  
民終夕乃定又案肅宗紀崔寓爲河中節度使在上  
元元年通鑑廣德二年正月以子儀爲關內河東副  
元帥河中節度等使五月子儀以安史昔據洛陽故

諸道置節度使以制其要衝今大盜已平所在聚兵  
耗蠹百姓表請罷之仍自河中始六月敕罷河中節  
度此在敕罷後猶書崔寓爲節度使者通鑑考異云  
言其前官也

楊綰知東京選禮部侍郎賈至知東都舉兩都分舉選  
自至始也 案會要貞觀元年京師米貴始分人於  
洛州置選永徽元年始置兩都舉禮部侍郎官號皆  
以兩都爲名每歲兩地別放及第自大厯十二年停  
東都舉是後不置開耀元年十月崇文館直學士崔  
融議選事曰關外諸州道里迢遞洛河之邑天地之

中伏望詔東西二曹兩京都分簡留放既畢同赴京  
師開元元年十二月遣黃門監魏知古黃門侍郎盧  
懷慎往東都分知選事據此兩都分舉自太宗已來  
時置時罷不得謂自廣德二年始也新書選舉志亦  
不加詳考疎畧莫甚焉齊映傳貞元二年映於東都  
舉進士及宏詞會要云自大厯十二年停不復置者  
亦譌又案代宗紀罷兩都貢舉在大厯十年五月  
永泰元年 勞師黷武豈人主之用心 人影宋本作  
仁

馬璘郝玉屯便橋

當作郝廷玉

大厯元年 朕志承理體九重儒術 冊府元龜作志  
求理道

眷其子弟爲奉義方 爲冊府元龜作各

以平郭英乂之亂也 案劍南之亂纂由英乂然構亂  
者崔旰不得竟謂英乂也新書書崔旰反通鑑作平  
蜀亂爲得其實

古者量其國用而立稅典必終經費由之重輕 終本  
作於案疑當作總

二年 端本靜末其戒之哉 靜冊府元龜作清

五年 劍南西川 影宋本作東川

七年 回紇王子李秉義卒歸國宿衛賜名也 名影

宋本作姓

八年 御史大夫李栖筠彈吏部侍郎徐 沈氏注闕  
文案徐浩傳坐以妾弟冒選託侍郎薛邕注授京尉  
爲御史大夫李栖筠所彈坐貶明州別駕疑卽此事  
十四年 北都留守鮑防以北庭歸朝 案北庭自至  
德已來關隴失守隔絕已久至德宗建中三年西蕃  
通和伊西北庭節度使楊休明等始得歸葬此以北  
庭歸朝五字疑衍

德宗紀上

建中元年 振武軍使張光晟殺領蕃回紇首領突董  
統等千人 領蕃影宋本作歸蕃

三年 渾瑊預爲地道及雲橋成城脚陷不得進 成  
影宋本作傳

興元元年 離去鄉里邑里上墟 鄉里大詔令作鄉  
閭

貞元元年 嘗難遺才仍招怨望 難影宋本作歎大  
詔令同

非但成優者無官可授 成影宋本作承大詔令同  
詔文武常參官共賜錢七百萬貫 冊府元龜十二月



詔文武常參官等宜共錫錢七萬貫

三年 以晟甥元帥兵馬使王佖爲右威衛上將軍

影宋本元帥下有府字

其先敕所減官員並依仍舊 依影宋本作宜

丙辰平涼陷蕃官員 平涼上影宋本有詔字

德宗紀下

四年 謂之戶部別處錢朝臣歲不過五十萬 處影

宋本作置歲下有支字

八年 以河內河東劍南山南西道等財 河內影宋

本作關內

九年 旣成之後邊患息焉 成影宋本作城

韋皋出西山討吐蕃故六蠻內附各授官敕遣之 敕

影宋本作秩

十年 李元信州長史 影宋本州上有吉字

理典十二卷 理影宋本作禮

十五年 丁未以王礎廢朝一日 影宋本王礎下有  
卒字

十七年 雷震雨雹 震影宋本作霆

戊辰羣臣宴曲江亭 本作賜羣臣宴於曲江亭

十八年 以竇羣爲左拾遺 影宋本竇羣上有布衣

二字

二十一年 謚曰神武孝文 影宋本孝文下有皇帝  
二字

順宗紀

渤海國王大嵩鄰 案鄰舊書本作璘會要同沈氏從  
新書改鄰當兩存也

憲宗紀上

元和元年 以度支郎中寬敬爲山劍行營糧料使  
影宋本作敬寬

二年 班列不肅所由指撝 撝本作摘

天下兵戎仰給縣官者八十三萬然人然影宋本作  
餘

三年 其送印呈孔目 會要呈上有及字

憲宗紀下

八年 霜損田三萬八千頃 影宋本霜上有隕字

九年 李吉甫累表辭相位不許 案吉甫傳無求免

事據下文李絳守禮部尚書累表辭相位故也文吉

甫疑當作絳

每推至誠以御方夏 方影宋本作中

十年 敢有葢藏全家誅戮 影宋本作敢有藏匿者

十三年 自長官以下除留守 會要自長官以下多  
少人作等差除留闕官外分給

穆宗紀

長慶元年 故詩人美樂且有儀憐異屢舞 會要議  
其屢舞

二年 中外與度等三上疏請立皇太子 沈氏中外  
下注闕文案冊府元龜作右僕射裴度三上疏請立  
儲嗣兩省官及翰林學士亦繼陳封章

敬宗紀

寶曆元年 詔王播造競渡船二十隻供進仍以船材

京內造 張仲芳傳詔淮南王播造上已競渡船三十隻播將船材於京師造作通鑑敬宗紀詔王播造競渡船二十艘運材於京師造之此船材下有闕文王秘男王謨 影宋本作正謨

二年 令供奉道士二十人隨浙西處士周息元入內宮之山亭院 宮影宋本作館

文宗紀上

別詔宣纂組雕鏤不在常貢內者並停 影宋本宣下有索字

大和三年 誘致愚妄庸非禮道 禮影宋本作理

八年 以通王爲幽州盧龍軍節度使 會要大和八年十二月以通王諱爲幽州經畧盧龍軍節度副大使此脫諱字案會要副大二字衍

九年 王涯獻榷茶之利乃以涯爲榷茶使茶之有榷稅自涯始也 案德宗紀貞元九年正月癸卯初稅茶歲得錢四十萬貫從鹽鐵使張滂所奏茶之有稅自此始也此又云茶之有榷稅自涯始豈以稅者斂於民權者專於上乎然自貞元稅茶已後稅榷皆並舉而言未嘗有所區別也穆宗紀長慶元年加茶榷舊額百文更加五十文從王播奏拾遺李珣上疏論

其不可有云今若榷茶加稅頗失人情是也大率唐之茶稅發端於建中元年納戶部侍郎趙贊議稅天下茶漆竹木皆十取一以爲常平本錢奉天悼悔亟罷之矣迨張滂奏請遂爲定法厥後王播爲使而稅加於滂王涯爲使而稅加於播甚至徙民茶樹於官場流毒當時遺譏後世蓋利孔一開必變本而加厲此從來通患舊書旣書自滂始又書自涯始非史法也又案通考云陸羽嗜茶著經三篇天下益知飲茶嗜茶榷茶皆起於貞元間斯言諒哉

## 武宗紀



會昌元年 隋置諫議大夫七人從四品上 會要從

四品下正五品上職官志同

張衡爲侍郎爲居帷帷從容諷諫 後漢書張衡傳後  
遷侍中帝引在帷幄諷議左右又案會要張衡爲侍  
中常居帷幄從容諷諫

况蹇諤之地宜老成之人 會要宜下有有字

二年 自後戶部支給零碎不得 得影宋本作時

石戒直久在京師備知人實憤惋 影宋本人下有有

字

三年 宰相奏秋色已至將議進軍幽州須早平回鶻

色影宋本作氣平作取

顧髻亂之所矜豈淵魚之是察 大詔令作顧蒼卵之

可矜淵影宋本作泉

四年 何宏敬山東三州平 影宋本山東上有奏字

張谷男涯解愁 冊府元龜張谷男涯涯男解愁

五年 望取寺中大殿材木於東峯以造一殿 以影

宋本作改

六年 彭州刺史李紱 紱影宋本作鈇

如有違犯同用鉛錫錢例科斷 同用影宋本作用同

宣宗紀

大中元年 古者郎官出牧卿相治郡 卿影宋本作

宰

二年 江都縣典沈頌臣宰 沈氏案臣字譌影宋本

作陳

三年 康季榮奏收復原州石門驛藏本峽制勝六盤

石碣等六關 案上文作七關此疑譌

恭惟元和寶錄 寶影宋本作實

五年 刺史交代須一一交割公事 影宋本無一一

兩字

十一年 以幽州節度使張允伸弟允中爲荊州刺史

允干檀州刺史允辛安塞軍使允舉納降軍使 案  
允中兄弟四人以允伸故同時加授刺史軍使其檀  
州及安塞納降兩軍皆幽州所屬何允中獨遠除荆  
州且荊州爲荊南節度治所其刺史每以節度兼之  
疑是薊州譌作荆耳

制皇第三男灌封衛王 沈氏案宣宗第三男滋已封  
夔王灌非第三男譌 案會要灌次第三舊書宣宗  
諸子傳以灌次第二子涇後行當第三而不書行第  
以滋次灌後行當第四而書第三子爲不可解冊府  
元龜灌次在第十新書宗室傳在第十一紀載參差

無可證據所當闕疑

懿宗紀

咸通三年 自湘江入潯渠西造地麪粥以饋行營  
地冊府元龜作切

得船數十艘便可致三萬石 會要作三五萬石

四年 敕徐州罷防禦使爲文都隸兗州 沈氏案文  
都譌當是團練使案會要徐州節度使貞元二十一  
年三月名其軍曰武寧至咸通四年降爲支郡隸兗  
州至十一年十一月改爲感化軍據此文都乃支郡  
之譌也錢氏考異蓋本諸此沈氏不事證據率以臆

度繆矣

五年 近者再置額却領四州 影宋本額上有使字  
通計載米數足外輒不得更有隔奪妄稱貯備 隔影  
宋本作喝

其小舸短船到江口使司自有船 冊府元龜小舸作  
小河

鹽鐵戶部生積欠 生會要作先

八年 絹二十一萬四千一百疋錢萬貫 會要錢五  
萬貫

自六年至八年其錢絹依前旋納又積欠三十六萬五

千五百七貫正者 依前旋納會要作依前不全送  
案惟不全送是以有積欠也七貫正者作七十貫文  
兵部侍郎判度支崔彥昭 會要作戶部案彥昭傳累  
遷兵部員外郎轉郎中拜中書舍人再遷戶部侍郎  
判本司事

九年 殺判官張琢以琢城壕故也 影宋本城上有  
浚字

十年 致有冤抑之人構災沴之氣 影宋本構下有  
成字

十四年 或積幽疑滯 幽影宋本作冤

僖宗紀

乾符元年 右軍中尉韓文約以疾乞休致 影宋本作以疾乞致仕

二年 戶部員外郎盧莊爲起居員外郎 案當作起居郎

四年 諸葛愛今爲刺史 大詔令作諸葛爽案爽傳初從龐勛亂後歸國累授汝州防禦使愛疑當作爽  
廣明元年 文集與沙陀首領李友金 友影宋本作支

朝廷聞賊復振大怒 影宋本作大恐



中和三年 遣衙隊將前鋒守忠 冊府元龜作楊守

忠

左神策弩手甄君楚公孫佐橫衝軍使楊守亮 冊府

元龜公孫下有勝字佐作左

昭宗紀

大順元年 朱全忠選汾卒三千 汾影宋本作汴

景福三年 新除鎮東軍節度使錢鏐權領浙江東道

軍州事 沈氏案此蓋以鏐兼領浙東而新除鎮東

之王搏未行復相故有新除鎮東之文錢鏐上當有

闕文案冊府元龜八月新除鎮東軍節度使王搏復

知政事

哀宗紀

天祐三年 壬寅敕文武百僚每月一度入閣貞觀殿  
貞觀大殿朝廷正衙 案本無貞觀大殿四字衍  
比來視朔未正規儀 案朔當作朝

唐書合鈔補正卷一

唐書合鈔補正卷二

禮志一

今請憲章周孔考取王鄭 考冊府元龜作去

太史令傅幸忠奏曰準漏經 案經籍志有刻漏經無

漏經冊府元龜作漏刻經

若用十二日卽欠一分 冊府元龜文獻通考十二日  
下皆有甲子二字案上文請促冬至就十二日甲子  
語此脫

盧植云禘祭名禘者帝也 帝冊府元龜作諦此譌脫

言旁

惟鄭元箋長發乃稱是郊祭天詳元之意因此商頌禘如大傳云大祭 冊府元龜因此商頌禘加大字便云祭天

曰雖云據鄭學 曰冊府元龜作議

以長至陽氣萌動之始日俱祀於南郊也 曰冊府元

龜作乃

國家重光累聖歷祀百數 數通考作年

禮志二

臣伏尋前敕依禮部尙書劉伯莊等議 冊府元龜作禮部尙書盧寬國子助教劉伯莊案劉伯莊兩書皆

在儒學傳以宏文館學士累除國子助教遷國子博士未嘗爲禮部尙書此譌合兩人爲一人

臣以古者敬重大事與接神相似以朝覲祭祀皆在廟堂 冊府元龜以上有是字

乘輦相儀接神不敬步往則勞曳聖躬 冊府元龜作乘輦則接神不敬與下句對

宣尼美意其在茲乎 意冊府元龜作嘆

則又傷於質畧 冊府元龜則大體傷於質畧與上句則至理失於繁文對

自我而作何必師古 文苑英華下有圖像備陳決之

聖慮八字

亦曰黃帝曰合宮 案亦曰上本有尸子二字

鄭元則曰在國之陽三里之外七里之內丙巳之地

案文苑英華唐文粹皆作鄭元則曰在國之陽三里之外淳于澄又云三里之外七里之內丙巳之地此脫淳于澄又云九字與下文鄭氏臆說淳于謏聞亦不合

總方一百四十四尺 冊府元龜作三十四尺

太常博士唐眡等 案通典作唐昕

飛檐椽七百二十九枚案漢書從子至午其數七百二

十九枚 據上下文義當作案漢書從子至午其數  
七百二十九故置七百二十九枚

則天以高宗遺意乃與北門學者議其制不聽羣言  
案學者當作學士見職官志

天地光宅域中雍熙 會要作天下光宅海內雍熙  
當須審攷厯之計 案攷當作巧

又小於舊制圓五尺 會要作又小於舊制周圍五尺  
禮志三

玉檢厚二寸長短濶一加玉牒 會要濶下有狹字  
又議圓丘上土封 案丘當作壇

又爲金繩三以纏石礪各五周 沈氏案通典無五字

案明監本有五字

爲砮石十二 案砮當作距

又案宋忠所論亦後祭方燔 案忠當作志

无忌之事義乃相乖 事本作言

又案周禮大宗伯職以玉作六器以禮天地四方注云  
禮爲始告神時薦於神座也 爲周禮注作謂冊府

元龜同

今案顯慶所改新禮以蒼璧與蒼牲蒼幣俱用先燔

案蒼幣當作牲幣



若從祭義後燔爲定 案冊府元龜無此二語衍

據祭義及貞觀顯慶已後 沈氏貞觀下注此下疑有

闕文案上文後燔爲定句疑當在貞觀下

至後漢堅以議郎拜侍中 會要作後漢樓堅

吉茂見謂之曰仕進不止執獸子 謂冊府元龜作嘲

今尙書玉牒是用漢禮 案玉牒上脫奉字

癸巳中書令張說進稱天賜皇帝太一神策 沈氏注

癸巳二字當譌或衍案冊府元龜無此二字

山上作圓臺四階謂之封壇 封壇冊府元龜作封祀

壇

伯濟帶方王 伯當作百

日南西二 會要作西竺此脫竹頭

若涉大川 若涉下本皆有于字

宰相庶尹 相本作衡

實萬物之始故稱岱焉 文粹作惟天帝之孫羣靈之

府其方處萬物之始故稱岱焉

權傳章補闕政 權文粹作權

朕惟寶行三德曰慈儉謙 寶冊府元龜作實

嚴魏岱宗衛我神主 衛文粹作衍

禮部尚書蘇頌撰朝覲壇頌以紀德 冊府元龜德上

有聖字

禮志四

棲遲旅人固可知矣 固本作國

公西赤邵伯 通典會要皆作邵伯

曹卹豐伯 通典會要皆作曹伯

顏襄臨沂伯 史記作顏祖案疑相字之譌字子襄會要作顏

相臨沂本作臨邑

施常 通典同史記會要皆作施之常

唯御署祝文以社稷爲本 本冊府元龜作準

改汧陽郡吳山爲西嶽 會要作吳嶽

唐書卷一百一十五  
五  
不法桓文不贊伊尹 會要作伊呂

重行異位西向北上 通典會要皆作每等異位俱重  
行西向北上

大長公主以下於道東東西當內命婦差退 開元禮  
作道東西向當內命婦位差退

女相者引執事者司賓引內命婦 司賓開元禮作司  
贊

禮志五

黃門侍郎跪取巾於篚興以帨受巾跪奠於篚 開元  
禮黃門侍郎跪取巾於篚興進皇帝帨手訖黃門侍

郎受巾跪奠於篚案志以以悅受巾四字包括兩重  
儀節殊不分明

太階之東少南西向北上 西向北上本作以北爲上  
古殤及無後者皆祔食於祖 案古疑當作凡  
豈非別嫌疑慎微 冊府元龜無疑字

祔祖嚴配大事在斯 祔祖冊府元龜作祔享

其基別室西方爲首 基會要作堂

方諸舊儀情實可知 會要作可安

祭法稱王立七廟一壇二墠 二當作一

歷茲已降至於有隋 有隋本作周隋案下文宇文氏

與隋室並舉有當作周

周朝太祖之外以周文王爲始祖 周朝通考作後周  
晉氏不以殷王邛爲太祖 邛當作印

湯文祚基稷禹 會要作湯武

及魏晉經圖 會要作經國

殷人七代祖契而宗湯 會要作十七代

霍光輔遷之廟其例三也 會要霍光輔宣帝再盛基  
業而不以宣帝爲不遷之廟其例三也此脫

準禮合於太廟從西第一夾室 會要合下有遷字

第一間代祖室第二間高宗室第三間中宗室 高宗

會要作高祖中宗作太宗

其下三昭三穆之外是親盡之祖雖有功德禮合祧遷  
禘祫之歲則從合食 會要其下三昭三穆謂之親  
廟四時常饗自如禮文今以新立廟元宗明皇帝在  
三昭三穆之外云云此脫

恐須宗正寺具宗廟焚毀及神主失墜事由奏 冊府  
元龜由下有申字

禘別廟皇后於太廟 冊府元龜作皇太后

四后於太廟未有本室故創別廟 冊府元龜創下有  
立字

請過祭詳窺玉牒 過會要作遇

伏以德尊謚爲孝君臣嚴敬有司愼恪是歲以還不當失序 會要作伏以國之大事宗廟爲先禘祫之禮不當失序案此因獻昭懿穆懿祖之室反在獻祖之上昭穆失序故有此議德尊謚爲孝云云文義舛錯當從會要

奉禮郎李岡協律郎諸葛旼 會要岡作崗旼作玫率情變革人情所難 率情會要作率意皆充祭用非所詳也 詳會要作宜

故日祭於寢月祭於便殿 會要日祭於寢月祭於廟



時祭於便殿案疑當作日祭於寢月祭於便殿時祭於廟

丞相韋元成等又議七廟外寢園皆無復會要復下有祭字

### 禮志六

或問曰禮作栗主瘞桑主漢魏並有瘞桑主之議大厯中亦瘞孝敬皇帝神主今祔而不瘞如之何荅曰古者師行以遷主云云案所問是瘞主所荅是遷主所問非所荅也今案會要如之何下荅曰作主依神禮無可埋漢魏瘞藏事非允愜孝敬尊非正統廟廢

而主獨存從而瘞藏爲叶情理又問古者巡狩必載  
遷主今東都主又祔於廟荅曰古者師行云云此脫  
荅問瘞主一段

故禮貴從宜春秋之義變而正之者 會要變而之正  
者也

大和中太常博士議 會要作太常博士王彥威議  
望以所拆大寺材木修建既是宗室官居守便望令充  
修東都太廟使 會要作李石既是宗室官居守此  
脫

前後因循不廢者 冊府元龜作爾後

又載云虞而立几筵 冊府元龜作戴聖云案此檀弓  
文會要作大戴亦譌

候車駕時巡便合於所載之主者 冊府元龜作便舍  
所載之主也又案會要亦作便合亦譌

其一曰必有其廟備立其主 有冊府元龜作存  
成王厥後復立於豐 立當作歸

廟有必修之理主無可置之理 上理字本作文

則宗廟可知則廢廟之說恐非所宜廢 下則字冊府  
元龜作若

夫禮雖緣情將明厥要實在得中 會要禮雖緣情下

有事貴合道句

中宗立廟於東都無乖舊典徵其意不亦謬乎 徵其  
意會要作徵之古意

今則廢已多時猶循莫舉之典也 猶循冊府元龜作  
宜循

便宜細大取法於周 細大冊府元龜作細參  
則天以東都爲神都爾後漸加構宮室 會要構上有  
營字

以此爲置廟之例則大非也 大會要作又  
今或東洛復太廟 會要復上有置字

就有而言以爲國之先也 先冊府元龜作光

至如夾室儀用以序昭穆也 儀冊府元龜作宜

而西周東漢並曰兩都 曰冊府元龜作列

於穆清廟肅雍顯相洛邑旣成以率文王之祀 案周

頌清廟序周公旣成洛邑朝諸侯率以祀文王焉此

脫譌

載主以行漢家遺制 遺冊府元龜作通

聯出征之辭以更明載主之意 會要聯上有旣字

旣事埋之已明 本作旣事理之易明

其不當立之主但隨其所以瘞之 冊府元龜所下有

在字

此則改作有爲非順時不可也他如有司之職議事一  
一據經 非順時不可也會要作非有司之事也議  
事作便合

謹案不可耐者有七條 會要作凡不修之證畧有七  
條案是時議修東都太廟太常博士顧德章議主不  
當修其言七條後云徧考書傳並不合修此作不可  
耐語無著

不知廟不合虛主惟載一也 會要一下有時字

太原豈無都號太原爾時猶廢 冊府元龜下太原作

太廟

假使候時巡自可修營一室 冊府元龜作將候時巡  
故堯之書曰若稽古帝堯孔氏傳曰 案冊府元龜作  
孔氏傳曰能順考古道此脫去五字又案會要帝堯  
下有舜之書曰若稽古帝舜九字能順考句亦脫  
如修復以俟時巡惟載一主 會要惟載一主上有則  
時巡三字

至陳泄以忠獲罪 會要作陳泄治

於此數條復稱君子 會要作不復稱君子

欲議權葺似是無妨 權會要作構

謹上自殷周 冊府元龜謹下有案字

義交互莫能斷決 通典作兩義互文會要作兩文互  
義文苑英華作兩文雖互其義則同案此義上有關  
文

大學博士史璨 案通典會要文苑英華皆作史元璨  
又宣公八年禘僖公也宣公八年皆有禘 本作又僖  
公宣公八年皆有禘此譌

則禘已後隔三年祫已後隔二年禘 案祫下脫一祫  
字

今廟禘祫各自數年 本皆作今太廟



祭名有殊年數相去 去會要作舛

祫以三紀抵九而合 會要殺六而合

數以全數謂之三年 冊府元龜作據以全數

傳或謂祫小禘大 或冊府元龜作咸

蓋象天之法相傳久矣 象天冊府元龜作象閏

所引亦以象閏五年一禘又奚所施 會要作所引亦

以象閏爲言且六歲再殷何名象閏五年一禘又奚

所施

鄭元宗高堂 冊府元龜作高堂生

存三歲五年之位 位冊府元龜作序

何必拘滯隔三正乎 正冊府元龜作年

若甲年夏禘丙年冬祫 通典會要皆有己年夏禘辛

年冬祫兩語

春秋之意 意冊府元龜作義儒學陳京傳同

伏以德明興聖二皇帝曩立廟 冊府元龜曩下有既

字

二祖宜同祫享於太廟並昭穆 冊府元龜並下列

字

儒者能方義類斟酌其中 冊府元龜方下有比字其

作取

又議者請奉二祖神主於德明皇帝廟 冊府元龜奉  
下有遷字

禘祫所及者謂受命太祖之後未毀主升藏於二祧者  
也 案未毀當作迭毀

案禮父爲士子爲天子葬以士 通典下有祭以天子  
句

昔殷周以稷尙之後所以昭穆合祭尊卑不差 通典  
會要皆作昔殷周以稷尙始封遂爲不遷之祖其毀  
廟之主皆稷尙之後云云案此脫去始封已下十六  
字

雖屬尊於始封祖者亦在合食之位矣 冊府元龜作  
亦不在合食之位矣

請下百僚博采所疑 所疑會要作其議冊府元龜作  
所從

伏以興聖皇帝則獻祖之曾祖懿祖之高祖夫以曾孫  
祔列於曾高之廟豈禮之不可哉 會要夫以曾孫  
元孫祔列於高曾之廟此脫去文不備矣

配享功臣舊志脫落不全文獻通考高祖廟六人神通  
殷開山劉政會並貞觀十四年十月十五日敕武士  
護顯慶四年三月七日敕文明元年停裴寂劉文靖

並天寶六載正月十三日敕志無武士護有河間王孝恭太宗廟

七人房元齡高士廉屈突通並貞觀二十三年九月

二十四日敕至永徽四年二月房元齡以子遺愛反

停配享魏徵神龍二年閏月十五日敕長孫无忌李

靖杜如晦並天寶六載正月十二日敕志無屈突通魏徵如晦前

後兩見沈氏案云如晦已配享後又云加疑高宗廟

案如晦是加配志譌列在前沈氏案譌七人李勣張行成許敬宗馬周並垂拱二年正月十

一日敕其許敬宗神龍二年閏二月一日敕停褚遂

良高季輔劉仁軌並天寶六載正月十二日敕志無許敬

宗中宗廟八人桓彥範敬暉張柬之崔元暉袁恕已

並開元六年六月二十二日敕狄仁傑魏元忠王同

皎並天寶六載正月十二日敕

志無張柬之崔元暉

睿宗廟二

人蘇瓌劉幽求並開元六年二十三日敕又元宗廟

三人贈太師燕文正公張說贈太子太師代國公郭

元振中書令趙國公王琚

原注檢年  
月未獲

肅宗廟二人贈

太師韓文憲公苗晉卿大厯四年十月十七日敕贈

太尉冀獻穆公裴冕元和四年八月敕

案新書裴冕  
傳始肅宗廟

惟苗晉卿配享冕卒後二十餘年有蘇正  
元者奏請冕當與晉卿從祀有詔配享

代宗廟一

人贈太尉汾陽忠武王郭子儀建中二年十一月敕

德宗廟三人贈太師西平忠武王李晟贈太尉忠烈

公段秀實並元和四年八月敕贈太師忠武公渾瑊  
元和四年九月四日敕憲宗廟四人贈司徒宣懿公  
杜黃裳贈太師裴度會昌六年十月敕贈司空威武  
公高崇文贈太師李愬會昌六年十一月敕志皆失  
載

### 禮志七

以贊授侍中以授有司 開元禮以贊授侍中侍中以  
贊授所司案侍中二字不可省

皇帝乃飯蕃主已下皆飯 開元禮皇帝乃飯休和之  
樂作案上文皇帝舉酒登歌作昭和三終及飯無樂

爲不備矣新志諸禮節刪開元禮通典爲之意求減省字句遂多脫譌前闕皇帝出入之樂沈氏已據通典辨之矣

奉禮曰可拜在位者皆再拜 可開元禮作再

士衆皆起驟及表乃止 開元禮士衆皆起騎驟徒趨及表乃止

布侍射者射位於殿階下 開元禮位上無射字

進一一供御欲射 開元禮進一矢供御御欲射

弓右旋東面弛弓北面立 開元禮射者右旋東面弛弓北面立



取矢者以御矢付千牛於東階下 開元禮千牛下有

郎字

禮志八

公再拜侍中退 退字沈氏據通典補入案開元禮公

再拜退復位侍中退

斜壽萬歲 歲開元禮作年

禮志九

尚宮已下入閣奉后首飾褱衣傅姆贊出 本作傅姆

贊后出

內宮侍從 通考作內官

必有正焉若衣花 通考若衣若花

皇太子及妃俱興再拜 開元禮俱再拜興

禮志十

工持瑟升自階就位 開元禮階上有西字

北面酬主人降席進立於賓東 開元禮北面酬主人

主人降席進立於賓東

受酬者降席自西方進北面立於介右 進開元禮作

近

受酬者受觶某子立於酬者之右揖 開元禮酬上有

受字

禮志十二

循名責實逐末棄本 責冊府元龜作喪

或引兼實無文之理 冊府元龜實上有名字

雖云嫡母終是繼母 冊府元龜作繼親

竊以嫡繼慈養皆非所生並同行路 會要並同行路

上有出之與嫁句案苟非出與嫁雖非所生何得視

同行路乎

望請凡非所生父卒而嫁爲父後者無服 案生下疑

脫母字

既是所生無服準禮亦合解官 案無當作母

翟輔訟舅之冤 輔當作酺

致有祖父母安存 安冊府元龜作尙

臣聞夫婦正而人倫之始尊卑法於陰陽 冊府元龜

臣聞夫婦之道而人倫之始尊卑法於天地動靜合  
於陰陽

孝和雖多反正 多冊府元龜作名

人間或有遺逸豈亦家戶到而燔之 冊府元龜家下

有至字

又禮有無體之禮無聲之樂 案當作樂有無聲之樂

資以事父以事君 以當作於

堂姨舅親卽未疏恩絕不相爲服 冊府元龜作親旣  
疏末

樂志一

將亡之政其民必苦然苦心所感 冊府元龜作其民  
必然苦苦心所感

今玉樹伴侶之曲其聲具存 通典會要皆作今玉樹  
後庭花伴侶曲

爰詔典司仍加隆稱 文苑英華作乃隆稱號

高祖縮地補天 縮文苑英華作紐

太常少卿韋萬石奏稱破陣樂舞者是皇祚發迹所由

皇祚冊府元龜作文皇

卽內閑廐引蹀馬三十匹傾杯樂曲 冊府元龜傾杯  
上有使令二字

大和八年十月宣太常寺準雲韶樂舊用人數令於本  
寺閱習進來者至開成元年十月教成 案舊志十  
月教成下本有三年武德司奉宣索雲韶樂懸二圖  
進之大和三年八月云云沈氏削去三年至大和十  
八字疑衍文也今案會要十月教成下有其年太常  
卿李程進上至三年武德司奉宣索雲韶樂懸圖二  
軸進上下接八月太常禮院云云則所衍者祇大和

三年四字耳沈氏不爲考證竟行削去非史闕文之意也

又大司馬之班 班當作職

太常鄉退樂工等竝出旌門外訖 冊府元龜訖上有立字

然後引俘馘入獻及稱賀如別儀 舊志如別儀下本有別有獻俘儀注句沈氏削去案此六字當是注語校錄者譌以爲正文固非沈氏竟視爲衍而削之亦非也

樂志二

二倡女對舞繩上比肩而不傾 通典對舞下有行於  
二字

樂志四

帝舞季歷襲聖生昌 案舞當作符以音譌耳

送文舞出迎武舞八一章 一章上本有用舒和三字  
昭德皇后廟樂章九首 案止八首疑闕一或八譌作  
九

伊浦鳳翔緌嶺鶴至 嶺本作峯

天文志一

用黃道度日月弦望多近史官豈以赤道度之不與天



合 會要多下有合字

以攜月遊 攜本作推

仍置木櫃以爲平地令儀半在地下 會要半在地下  
上有半在地上四字

天文志一

煮一羊脾纔熟而東方已曙 脾本作胛

北方其沒地纔十五度餘 其本作日

又南距洛陽九千八百一十里 本作一十六里此脫

六字

天文志二

萬年縣女子劉凝靜 會要作靜凝

五行志三

今朝廷怪異雖則多矣然皆仰知陛下天光大願勤思  
德容少疑大化 冊府元龜今朝廷英佐雖多皆莫  
能仰陛下天光伏願覲思法宮少疑大化又案新書  
本傳英佐作賢佐天光作清光無伏字

地理志一

鹽州白池縣注景龍二年更名 案會要作景龍三年  
置輿地廣記景龍三年更名新書作二年譌沈氏案  
舊書龍朔三年復置譌今案舊書無復字但譌景龍

爲龍湖耳

地理志二

潁州沈丘縣注本邳州領沈丘宛丘唐初州廢以宛丘  
隸陳州沈丘來屬後省沈丘入汝陰神龍二年復置  
案隋志項城縣注開皇十六年分置沈州無沈丘  
縣新書項城縣注武德四年以項城鯽陽南頓陰水  
置沈州亦無沈丘會要沈丘神龍二年置則神龍以  
前無所謂沈丘也舊志古曰寢丘至隋不改神龍二  
年改爲沈丘又案通典沈丘縣注隋置沈州神龍初  
分汝陰置此縣據此則沈丘因沈州得名非沈州屬

縣明矣又案隋志大業初州廢新書謂唐初州廢者亦譌沈氏參取新舊書進退無據輿地廣記沈氏襲新書文亦譌

海州朐山縣注漢朐縣後加山字 輿地廣記後周改縣曰朐山

地志三

河中府襄陵縣注後魏擒盛縣 輿地廣記作擒昌後魏太武以擒赫連昌分置案此以昌爲盛者避後唐諱也

地理志四

金州平利縣注武德元年以故吉安置大厯六年省入  
西城案隋志吉安卽西城疑是分西城縣置

河州鳳林縣注張駿改永固案張駿上當有前涼二  
字疑脫

地理志五

壽州霍丘縣注神功元年曰武昌沈氏疑盛唐改名  
武昌霍丘不應亦名武昌案會要輿地廣記霍丘皆  
無改武昌文疑因上文盛唐而衍

地理志六

綿州龍安縣注本金山沈氏案當從舊書作金水金

山武德七年已廢

西昌縣注永淳元年以隋益昌縣地置 沈氏案舊書  
本隋金山縣隋末廢永淳元年復置改又案金山武  
德七年廢非隋末廢也

案隋志金山縣注舊置益昌晉興二縣西魏省晉興  
入益昌後置別置金山開皇四年省益昌入金山又  
案輿地廣記龍安縣本金山縣後周置隋屬金山郡  
唐屬綿州武德三年更名龍安西昌本益昌縣隋開  
皇四年省入金山唐永淳元年復置西昌縣志記分  
明與新書合沈氏謂金山當從舊書作金水者不知

隋金山郡統縣七無所謂金水也又疑廢金山不在  
隋末者不知舊書所謂本隋金山隋末廢者原指益  
昌而言其以益昌爲金山猶以金山爲金水皆爲鈔  
胥所譌沈氏以其譌者信之其不譌者反疑之失考  
莫甚焉又案金山之改龍安在武德三年舊書謂七  
年省金山者譌

舊志普州安岳縣注漢犍爲巴郡地資中牛鞞鰲江三  
縣地李雄亂後爲獠所據梁招撫之置普慈郡後周  
置普州隋省武德二年復置安岳爲治所 案此段  
文當補入新書安岳郡下

職官志三

天寶九載改匭爲獻納乾元元年復名曰匭 案舊紀  
改匭使爲獻納新志元宗以匭聲近鬼改理匭使爲  
獻納使蓋改易官名非改匭名也此乃節去使字又  
云復名曰匭直是以匭爲獻納矣新志云至德元年  
復舊者承上理匭使文也會要至德元年十月復改  
爲匭令

職官志四

京兆河南諸津隸都水監 會要在京兆河南府界者  
隸都水監外州者隸當界州縣



選舉志

太宗時冀州進士張昌齡王公謹有名於當時 張昌

齡傳公謹作公治會要作公瑾

輿服志

案周禮輿服志云 沈氏案周禮譌疑作董巴案會要  
作周遷輿服志又案經籍志有輿服志一卷董巴撰  
又有古今輿服雜事十卷周遷撰則此非董巴乃遷  
譌作禮耳

日月星辰者明光照下土也 本皆作象聖王光照下  
土也

粉米者人恃以生象聖王物之所賴也 物上本皆有  
爲字

黼能割斷 黼下本皆有者字

又鷩冕八章三公服之者 者下本皆有也字

鷩者太平之瑞也非三公之德也 案鷩文苑英華文  
粹皆作鷩太常博士蘇知機以新意表公卿以下冕  
服請別立節文如下文所云鷹鷩熊羆之類是也此  
云太平之瑞當作鷩鷩取耿介上文已言之矣英華  
文粹并上鷩冕亦作鷩則又譌也

貴賤所通鞍馬而已 本皆作貴賤所行通用鞍馬而

已

臣此異議 本皆作臣懷此異議

儀衛志

諸隊及鼓吹減大駕之半 通考隊下有仗字

經籍志二

魏晉代語十卷郭頒撰 語新志作說

桂氏世傳二卷注桂顏 沈氏注新書作崔案新志作

崔氏世傳七卷注崔鴻沈氏從舊書而削去鴻名當

兩存也

經籍志三

刻漏經 本作漏刻經

經籍四

李商隱樊南中集二十卷乙集二十卷 案中疑當作

甲

食貨志一

不可除去錢額中有令納見錢者亦請令折納 會要  
作不可除去錢額但舊額中有令云云此脫去但舊  
額三字

少則重 本作少則錢重

夫錢重者由人日滋於前 人下本有鑄字

欽盜鑄者破重錢以爲輕錢錢輕禁寬則行 案錢輕

二字疑衍或作輕錢

夫銅以爲兵則不如鐵以爲器則不如漆 漆會要作

錫

違犯者一事已上並作條件處分 並作冊府元龜作  
並依

出左藏庫內排斗錢許市人博換 排斗冊府元龜作

排年

案排斗見上亦是偽鑄名目  
似非內庫所儲疑當從冊府

貞元九年三月二十六日敕 沈氏案貞元上闕文案

會要有準字

其上都鑄錢及收銅器續處分 冊府元龜續上有請字

虛估匹段對估賈支給 冊府元龜賈上有時字

殫費之甚實百當今 實百會要作什百

請每斗加五十通舊三百文賈 三會要作二

節度使自收管充軍府遂急用度 會要軍府下有州

縣二字

食貨志二

至是新漕塞舟行不通 會要作新渠填塞

若能兼河漕 會要若能開漕運

自太原倉沂河更無停留 會要作沂河入渭

三門西鹽倉 會要作三門西置三門倉

自河南江淮嶺南東道 會要嶺南下有山南二字

兩稅使崔祝 會要作崔祝

表請使茶山之人移植根本 會要移樹官場

多革前監院之陳事 會要作錢穀監院

其粟及麻 麻本作麥

食貨志三

一品至九品俸料舛錯不一式數亦多異同此由時有  
增減故也會要所載較爲整齊附錄以備參攷一品

月俸八千通典六千食料一千八百雜用一千二百二品

月俸六千通典五千食料一千五百通典一百雜用一千通典

九百三品月俸五千食料一千一百雜用九百四品月

俸四千五百通典三千五百食料七百雜用六百通典七百五品

月俸三千食料六百雜用五百通典六百六品月俸二千

三百通典二千食料四百雜用四百七品月俸一千七百

五十食料三百五十雜用三百五十八品月俸一千

三百通典百五十食料三百雜用二百五十通典三百九品

月俸一千五十食料二百五十雜用二百

兵志



皆一月上 通考作皆以月上

隴右節度統臨洮河源白水安人振威威戎莫門寧塞  
積石鎮西等九軍 案九當作十

劍南節度統團結營及翼茂維柘松雅當黎姚悉十州  
通考有益恭懋三州爲十三州案下云天寶平戎  
兩軍在恭州昆明寧遠兩軍在懋州當從通考作十  
三州

由是號令自出以相侵擊 擊通考作奪

六閑駁馬 駁本作駿

稍復舊補北軍 舊通考作調

京兆尹鄭叔則建言京劇輕猾所聚 案劇疑當作畿  
刑法志

令者尊卑貴賤之等數國家之制度也 通考令下有  
律字

宰相表下

德宗貞元二年李勉 沈氏注兩書本紀及表皆無勉  
罷相文未詳何年案冊府元龜在三年八月

僖宗中和四年鄭昌凝 沈氏注疑當作昌圖案冊府  
元龜作昌圖

方鎮表三

陝號 大和六年崔咸未詳何年拜遷右散騎常侍未詳何年一案舊書文宗紀大和五年八月甲申以中書舍人崔咸爲陝州防禦使詔陝州舊有都防禦觀察使額宜停兵馬屬本州防禦使七年二月癸酉以宗正卿李詵爲陝州防禦使代崔咸以咸爲散騎常侍舊書除授歷歷沈氏以爲未詳何耶又案九年正月癸酉以散騎常侍舒元輿爲陝州防禦觀察使開成元年五月以尙書右丞鄭肅爲陝號都防禦觀察使前罷觀察復置之然則陝號觀察至此而復舒元輿在大和九年當是防禦使觀察二字衍文也李詵

舒元與二人沈氏亦失載

方鎮表五

充海 乾符三年書賜號泰寧軍乾寧四年又書賜號  
泰寧軍 案泰寧軍號見於新書懿宗紀咸通九年  
其節度使曹翔也乾符六年節度使李係光啟二年  
齊克讓乾寧二年朱瑾皆書泰寧軍未始有變易也  
表於乾寧四年重書賜號固非其書於乾符三年亦  
未確

方鎮表十一

黔中 大厯四年置辰溪巫錦業五州都團練守捉觀

察處置使治辰州十年又書置辰錦五州都團練使  
案舊書代宗紀十年二月罷辰錦溪獎五州經畧  
使復隸黔中此譌罷爲置

宣歙 大厯十四年廢宣歙池觀察使置團練使 案  
表本作廢觀察處置團練使沈氏改處作使竟作廢  
觀察使置團練使矣案舊書德宗紀貞元三年八月  
以常州刺史劉贊爲宣州刺史宣歙池觀察使如果  
廢觀察置團練則當以贊爲團練使矣疑大厯十四  
年廢觀察團練後貞元三年前復置紀表皆闕文耳  
且通鑑德宗紀於宣歙除授作觀察不作團練九是

證也

皇朝文獻卷二